

დამტკიცებულია:

სს „საქართველოს ფასიანი ქაღალდების
ცენტრალური დეპოზიტარის აქციონერის გადაწყვეტილებით
2018 წ. 18 იანვარი

რეგისტრირებულია:

სსიპ საჯარო რეესტრის ეროვნული სააგენტოს მიერ
გადაწყვეტილება № B18004328/6, 15.02.2018 წ.

სააქციო საზოგადოება
„საქართველოს ფასიანი ქაღალდების ცენტრალური
დეპოზიტარის“

წ ე ს დ ე ბ ა

(ახალი რედაქცია)

თბილისი
2018 წ.

დამტკიცებულია
შპს „საქართველოს ფასიანი
ქაღალდების ცენტრალური დეპოზიტარის“
პარტნიორთა კრების მიერ, ოქმი №1
18 ოქტომბერი, 1999 წ.

რეგისტრირებულია:
(სააქციო საზოგადოებად გარდაქმნა)
ქობილისის ვაკე-საბურთალოს რაიონის
სასამართლოს მიერ
№5/5-120 დადგენილებით
7 დეკემბერი, 2004წ.

რეგისტრირებულია:
საქართველოს ფინანსთა სამინისტროს
საგადასახადო დეპარტამენტის
თბილისის საგადასახადო
ინსპექციის უფროსის ბრძანებით
№7052/006-5/5-12ს/ს
23 აგვისტო, 2006 წ.

რეგისტრირებულია:
**სიბ საჯარო რეესტრის ეროვნული
სააგენტოს მიერ**
გადაწვევტილება № B17050224/3, 8.05.2017 წ.

რეგისტრირებულია:
**სიბ საჯარო რეესტრის ეროვნული
სააგენტოს მიერ**
გადაწვევტილება № B18004328/6, 15.02.2018 წ.

ცვლილებები და დამატებები შეტანილია
შპს „საქართველოს ფასიანი ქაღალდების
ცენტრალური დეპოზიტარის“
პარტნიორთა კრების მიერ:
2 თებერვალი, 2000 წ;
5 ნოემბერი, 2003 წ;
17 ივნისი, 2004 წ;
9 აგვისტო, 2004 წ.

ცვლილებები და დამატებები შეტანილია:
სს „საქართველოს ფასიანი ქაღალდების
ცენტრალური დეპოზიტარის“
აქციონერთა საერთო კრების მიერ:
19 მაისი, 2006 წ.
3 ოქტომბერი, 2014 წ.

წესდების ახალი რედაქცია დამტკიცებულია:
სს „საქართველოს ფასიანი ქაღალდების
ცენტრალური დეპოზიტარის“
აქციონერთა საერთო კრების მიერ:
19 დეკემბერი, 2016 წ.
22 დეკემბერი, 2016 წ.
21 აპრილი, 2017 წ.

წესდების ახალი რედაქცია დამტკიცებულია:
სს „საქართველოს ფასიანი ქაღალდების
ცენტრალური დეპოზიტარის“
აქციონერის გადაწვევტილებით:
18 იანვარი, 2018 წ.

სააქციო საზოგადოება
„საქართველოს ფასიანი ქაღალდების ცენტრალური
დეპოზიტარის“

წ ე ს დ ე ბ ა

(ახალი რედაქცია)

თბილისი
2018 წ.

I. ზოგადი დებულებები

- 1.1. "საქართველოს ფასიანი ქაღალდების ცენტრალური დეპოზიტარი" არის სააქციო საზოგადოება. მისი სრული სახელწოდებაა:
ქართულად – სააქციო საზოგადოება "საქართველოს ფასიანი ქაღალდების ცენტრალური დეპოზიტარი".
ინგლისურად – "Georgian Central Securities Depository".
- მისი შემოკლებული სახელწოდებაა:
ქართულად – „ცენტრალური დეპოზიტარი“
ინგლისურად – „Central Depository”
- აბრევიატურა:
ქართულად – "სფქცდ";
ინგლისურად – "GCSD".
- 1.2. თავისი სტატუსით სააქციო საზოგადოება "საქართველოს ფასიანი ქაღალდების ცენტრალური დეპოზიტარი" (შემდგომში – "ცენტრალური დეპოზიტარი") წარმოადგენს იურიდიულ პირს. საწესდებო ამოცანების შესასრულებლად მას უფლება აქვს დადოს გარიგებანი, შეიძინოს ქონებრივი და არაქონებრივი უფლებები, იკისროს ვალდებულებები, იყოს მოსარჩლე და მოპასუხე სასამართლოში. მას აქვს დამოუკიდებელი ბალანსი, ანგარიშსწორების და სხვა ანგარიშები საქართველოს და უცხოეთის ქვეყნების საბანკო დაწესებულებებში, ბეჭედი, ბლანკი და ემბლემა.
- 1.3. თავის საქმიანობაში ცენტრალური დეპოზიტარი ხელმძღვანელობს საქართველოში მოქმედი კანონმდებლობით, წინამდებარე წესდებით და მისი, როგორც თვითრეგულირებადი ორგანიზაციის წესებით.
- 1.4. ცენტრალური დეპოზიტარის იურიდიული მისამართია:
ქ. თბილისი, ი. ჭავჭავაძის 74ა.
- 1.5. სამეურნეო წელი ემთხვევა კალენდარულ წელს.

II. ცენტრალური დეპოზიტარის მიზნები და ამოცანები

- 2.1. ცენტრალური დეპოზიტარის საქმიანობის ძირითად მიზანს წარმოადგენს მისი მონაწილეების (წევრების) მფლობელობაში არსებული ფასიანი ქაღალდების ნომინალური მფლობელობა და ფასიანი ქაღალდების კლირინგისა და ანგარიშსწორების უზრუნველყოფა, საქართველოს კანონმდებლობითა და ფასიანი ქაღალდების ბაზრის სახელმწიფო მარეგულირებელი ორგანოს (შემდგომში – „მარეგულირებელი ორგანო“) მიერ განსაზღვრული სხვა მომსახურების გაწევა.
- 2.2. ცენტრალური დეპოზიტარის, როგორც თვითრეგულირებადი ორგანიზაციის, მიზნებია, აგრეთვე:

- 2.2.1. წესების მომზადება თავისი მონაწილეებისთვის (წევრებისათვის) და ამ წესების დაცვისა და შესრულების კონტროლი;
- 2.2.2. შინაგანაწესსა და წესებში ან წესდებაში მოცემული სანქციების გამოყენება თავისი წევრების მიმართ ცენტრალური დეპოზიტარის წესების დარღვევის შემთხვევაში.
- 2.3. ძირითადი მიზნის მისაღწევად ცენტრალური დეპოზიტარის ძირითად ფუნქციებს წარმოადგენს:
 - 2.3.1. საკუთარი წესების თანახმად, მის ნომინალურ მფლობელობაში არსებული ფასიანი ქაღალდების აღრიცხვის სისტემის მთლიანობისა და უსაფრთხოების უზრუნველყოფა;
 - 2.3.2. ნომინალური ფლობის, კლირინგისა და ანგარიშსწორების უზრუნველსაყოფად, საკუთარი წესების შესაბამისად, გახსნას, ამოქმედოს და დახუროს ფასიანი ქაღალდების და ფულადი ანგარიშები;
 - 2.3.3. წევრების მიერ ფასიანი ქაღალდების აღრიცხვის ინსტრუქციებისა და წესების დაცვის კონტროლი;
 - 2.3.4. წევრთა და კლიენტების ფასიანი ქაღალდების ანგარიშების წარმოების მიზნით სხვა მომსახურების უზრუნველყოფა;
 - 2.3.5. კლირინგის და ანგარიშსწორების შედეგების და ფასიანი ქაღალდების ანგარიშების მდგომარეობის შესახებ, მისი წესების შესაბამისად მონაწილეებისთვის ამონაწერის მიცემა;
 - 2.3.6. ფასიანი ქაღალდებით გარიგებათა ანგარიშსწორების პირობებთან დაკავშირებულ მონაცემთა შედარებისათვის, ტექნიკური საშუალებების უზრუნველყოფა;
 - 2.3.7. მონაწილეთა დავალებით ფასიანი ქაღალდების ოპერაციებთან დაკავშირებული კლირინგი და ანგარიშსწორება.
- 2.4. ცენტრალური დეპოზიტარს ეკრძალება ნებისმიერი საქმიანობა, გარდა მოქმედი კანონმდებლობის მიხედვით, ცენტრალური დეპოზიტარის, ფასიანი ქაღალდების რეგისტრატორისა და მარეგულირებელი ორგანოს წესებით განსაზღვრული სხვა საქმიანობისა.

III. საწესდებო კაპიტალი

- 3.1. ცენტრალური დეპოზიტარის განცხადებული (ნებადართული) საწესდებო კაპიტალის ოდენობა შეადგენს 10,000,000 (ათი მილიონი) ლარს.
- 3.2. ცენტრალური დეპოზიტარის განცხადებული (ნებადართული) საწესდებო კაპიტალი დაყოფილია 10,000,000 (ათი მილიონი) ცალ ჩვეულებრივ აქციად. ჩვეულებრივი აქციის ნომინალური ღირებულება შეადგენს 1 (ერთი) ლარს.

ცენტრალური დეპოზიტარის აქციონერთა საერთო კრებაზე თითოეული ჩვეულებრივი აქცია მის მფლობელს ანიჭებს ერთი ხმის უფლებას.

IV. აქციონერის უფლება-მოვალეობანი

4.1. აქციონერს გააჩნია შემდეგი უფლებები:

4.1.1. ცენტრალური დეპოზიტარის აქციები გაასხვისოს მხოლოდ კანონმდებლობითა და მარეგულირებელი ორგანოს წესებით განსაზღვრულ პირობებზე მოქმედი კანონმდებლობის და ცენტრალური დეპოზიტარის მიერ მიღებული წესების შესაბამისად;

4.1.2. მიიღოს ინფორმაცია ცენტრალური დეპოზიტარის აღრიცხვის და კონტროლის მდგომარეობის შესახებ „მეწარმეთა შესახებ“ საქართველოს კანონის შესაბამისად.

4.1.3. ცენტრალური დეპოზიტარის სამეთვალყურეო საბჭოში წარადგინოს საბჭოს წევრობის კანდიდატები;

4.2. აქციონერს გააჩნია შემდეგი მოვალეობები:

4.2.1. უზრუნველყოს ცენტრალური დეპოზიტარის წესდების მოთხოვნების დაცვა;

4.2.2. დაიცვას ტექნიკური, ტექნოლოგიური და კომერციული ხასიათის ინფორმაციის კონფიდენციალობა, რომლის გამჟღავნებამაც შეიძლება ზიანი მიაყენოს ცენტრალურ დეპოზიტარს, მის წევრებსა და მათ კლიენტებს;

4.2.3. ხელი შეუწყოს ცენტრალური დეპოზიტარის საწესდებო ამოცანების შესრულებას, დაიცვას მისი ინტერესები და იზრუნოს მისი ფინანსური მდგარადობის, ავტორიტეტისა და პრესტიჟის ამაღლებაზე.

V. აქციონერთა საერთო კრება

5.1. ცენტრალური დეპოზიტარის მართვის უმაღლეს ორგანოს წარმოადგენს აქციონერთა საერთო კრება, რომელიც ტარდება, სულ ცოტა წელიწადში ერთხელ. შესაძლებელია მოწვეული იქნეს რიგგარეშე კრებაც. კრების მოწვევა ხდება „მეწარმეთა შესახებ“ საქართველოს კანონის და ამ წესდების შესაბამისად.

5.2. აქციონერთა საერთო კრება უფლებამოსილია:

5.2.1. დაამტკიცოს ცენტრალური დეპოზიტარის წესდება და მასში შესატანი ცვლილებები;

5.2.2. მიიღოს გადაწყვეტილება ცენტრალური დეპოზიტარის რეორგანიზაციის ან ლიკვიდაციის შესახებ;

- 5.2.3. მიიღოს გადაწყვეტილებები ცენტრალური დეპოზიტარის ქონების შეძენის, გასხვისების ან გაცვლის გარიგებების (ან ერთმანეთთან დაკავშირებული ასეთი გარიგებების) შესახებ, რომლებიც შორდება ჩვეული საქმიანობის ფარგლებს და რომელთა ღირებულებაც შეადგენს ცენტრალური დეპოზიტარის ქონების საბალანსო ღირებულების ნახევარზე მეტს, გარდა ამ წესდების 6.8.4. ქვეპუნქტით გათვალისწინებული შემთხვევისა;
- 5.2.4. აირჩიოს (დანიშნოს) ან გამოიწვიოს სამეთვალყურეო საბჭოს წევრები;
- 5.2.5. დაამტკიცოს დირექტორებისა და სამეთვალყურეო საბჭოს ანგარიში;
- 5.2.6. აირჩიოს (დანიშნოს) მოსმენის კომიტეტის მსაჯულები და განსაზღვროს მათი კომპეტენცია;
- 5.2.7. აირჩიოს აუდიტორი;
- 5.2.8. მიიღოს გადაწყვეტილებები „მეწარმეთა შესახებ“ და „ფასიანი ქაღალდების ბაზრის შესახებ“ საქართველოს კანონებით გათვალისწინებულ სხვა შემთხვევებში.
- 5.3. აქციონერთა კრების მიერ გადაწყვეტილებების მისაღებად საჭიროა ხმის უფლების მქონე დამსწრე ან წარმოდგენილ აქციათა ორმოცდაათ პროცენტზე (50%-ზე) მეტის მფლობელების ხმა.

VI. სამეთვალყურეო საბჭო

- 6.1. ცენტრალური დეპოზიტარის სამეთვალყურეო საბჭო შედგება სამი წევრისაგან, რომელთაც აქციონერთა საერთო კრება ირჩევს 4 წლის ვადით.
- 6.2. სამეთვალყურეო საბჭოს წევრი ცენტრალური დეპოზიტარის საქმეებს უნდა უძღვებოდეს კეთილსინდისიერად, კერძოდ, ზრუნავდეს ისე, როგორც ზრუნავს ანალოგიურ თანამდებობაზე და ანალოგიურ პირობებში მყოფი ჩვეულებრივი, სადად მოაზროვნე პირი და მოქმედებდეს იმ რწმენით, რომ მისი ეს მოქმედება ყველაზე ხელსაყრელია ცენტრალური დეპოზიტარისთვის. ამ მოვალეობის შეუსრულებლობის გამო წარმოშობილი ზიანისთვის იგი პასუხს აგებს ცენტრალური დეპოზიტარის წინაშე.
- 6.3. სამეთვალყურეო საბჭო თავისი შემადგენლობიდან ირჩევს თავმჯდომარეს და მის მოადგილეს.
- 6.4. სამეთვალყურეო საბჭოს სხდომები ტარდება კვარტალში ერთხელ მაინც. მოწვევა უნდა გაკეთდეს წერილობით, სულ ცოტა, რვა დღით ადრე და სავარაუდო დღის წესრიგის მითითებით. სამეთვალყურეო საბჭოს წევრები შეიძლება სხვა წევრებით იქნენ წარმოდგენილი, ოღონდ ერთი წევრი ერთი სხვა წევრით.
- 6.5. სამეთვალყურეო საბჭო გადაწყვეტილებაუნარიანია, თუ მას ესწრება წევრთა სულ მცირე ნახევარი. თუ სამეთვალყურეო საბჭო არ არის გადაწყვეტილებაუნარიანი, თავმჯდომარეს (მისი არყოფნისას – მის მოადგილეს)

შეუძლია არა უგვიანეს 8 დღისა მოიწვიოს ახალი სხდომა, რომელიც გადაწყვეტილებაუნარიანი იქნება, თუ მას ესწრება წევრთა არანაკლებ 25%-ისა. თუ სამეთვალყურეო საბჭო კვლავ არ არის გადაწყვეტილებაუნარიანი, მაშინ სამეთვალყურეო საბჭოს უწყდება უფლებამოსილება და თავმჯდომარე (მისი არყოფნისას – მისი მოადგილე) იწვევს საერთო კრებას.

6.6. სამეთვალყურეო საბჭო გადაწყვეტილებებს იღებს გამოცხადებულ ან წარმოდგენილ წევრთა ხმების უბრალო უმრავლესობით. ხმების თანაბრად გაყოფის შემთხვევაში მიიღება ის გადაწყვეტილება, რომელსაც მხარს დაუჭერს სამეთვალყურეო საბჭოს თავმჯდომარე. სამეთვალყურეო საბჭოს ის წევრი, რომლის საწარმოს ან პირადი საკითხიც იხილება, კენჭისყრაში არ მონაწილეობს.

6.7. სამეთვალყურეო საბჭოს უფლება-მოვალეობებია:

6.7.1. მიიღოს, უარყოს ან შეასწოროს ცენტრალური დეპოზიტარის წესები ოპერაციებისა და პროცედურების შესახებ, ცენტრალური დეპოზიტარის ეთიკის და დისციპლინურ დარღვევათა საპროცესო კოდექსები, დაგების განხილვის წესი, დებულება წევრთა შესახებ, წევრთათვის დადგენილი საწევრო შესატანების ოდენობა, სხვა წესები და შინაგანაწესი.

6.7.2. მოახდინოს უფლებამოსილების დელეგირება ცენტრალური დეპოზიტარის გენერალურ დირექტორზე და დირექტორებზე, წესდებისა და შინაგანაწესის შესაბამისად, მისცეს მას ცალკეული დავალებები;

6.7.3. განმარტოს ცენტრალური დეპოზიტარის წესები;

6.7.4. დანიშნოს და გაათავისუფლოს ცენტრალური დეპოზიტარის გენერალური დირექტორი/დირექტორები, დადოს ან შეწყვიტოს მათთან სასამსახურო ხელშეკრულება;

6.7.5. დაამტკიცოს ცენტრალური დეპოზიტარის ორგანიზაციული სტრუქტურა, საშტატო განრიგი და მასში შეტანილი ცვლილებები;

6.7.6. მიიღოს გადაწყვეტილება ახალი წევრის მიღებისა და წევრობის შეწყვეტის შესახებ;

6.7.7. მიიღოს გადაწყვეტილება წევრის ფასიანი ქაღალდების და ფულადი ანგარიშების დახურვის შესახებ ცენტრალური დეპოზიტარის წესების შესაბამისად;

6.7.8. კონტროლი გაუწიოს გენერალური დირექტორის/დირექტორების საქმიანობას;

6.7.9. მოითხოვოს გენერალური დირექტორისაგან/დირექტორებისგან ცენტრალური დეპოზიტარის საქმიანობის ანგარიში;

6.7.10. გააკონტროლოს და შეამოწმოს ცენტრალური დეპოზიტარის საბუღალტრო წიგნები, ასევე ქონებრივი ობიექტები;

6.7.11. წარუდგინოს მოხსენება წლიური ანგარიშის შესახებ აქციონერთა საერთო კრებას;

6.7.12. მიიღოს გადაწყვეტილება ცენტრალური დეპოზიტარის წევრებისთვის ცენტრალურ დეპოზიტარში საქმიანობის ან ფუნქციების შეჩერების თუ შეზღუდვის, საყვედურის გამოცხადების, დაჯარიმების და სხვა შესაბამისი სანქციების გამოყენების შესახებ;

6.7.13. მიიღოს გადაწყვეტილებები „მეწარმეთა შესახებ“ და „ფასიანი ქაღალდების ბაზრის შესახებ“ საქართველოს კანონებით გათვალისწინებულ სხვა შემთხვევებში.

6.8. მხოლოდ სამეთვალყურეო საბჭოს თანხმობით შეიძლება განხორციელდეს შემდეგი საქმიანობა:

6.8.1. სხვა კომპანიებში წილებისა და აქციების შეძენა და გადაცემა, თუკი ამგვარი წილის/აქციების მოცულობა აღემატება ამგვარი კომპანიის მთლიანი კაპიტალის 50%-ს ან გარიგების ღირებულება აღემატება წინა კალენდრული თვის დასასრულისთვის არსებულ ცენტრალური დეპოზიტარის საბალანსო ღირებულების 20%-ს (ოც პროცენტს);

6.8.2. ფილიალების შექმნა და მათი ლიკვიდაცია;

6.8.3. უძრავი ქონებისა და მისი მსგავსი უფლებების შეძენა, გასხვისება, დატვირთვა ან იჯარით გაცემა;

6.8.4. ინვესტიციები, რომლის ღირებულებაც, ცალკე ან ჯამში, აღემატება წინა კალენდრული თვის დასასრულისთვის არსებულ “საზოგადოების” საბალანსო ღირებულების 20%-ს (ოც პროცენტს);

6.8.5. სესხების და კრედიტების აღება, რომლებიც აღემატება სამეთვალყურეო საბჭოს მიერ დადგენილ ოდენობას.

6.8.6. სამეურნეო პოლიტიკის ზოგადი პრინციპების განსაზღვრა;

6.9. თავის უფლებამოსილებათა უკეთ განხორციელებისათვის ცენტრალური დეპოზიტარის სამეთვალყურეო საბჭო უფლებამოსილია თავისი შემადგენლობიდან შექმნას კომისიები.

6.10. სამეთვალყურეო საბჭოს კომისია შეიმუშავებს თავის დებულებას და ირჩევს თავმჯდომარეს.

6.11. სამეთვალყურეო საბჭო ამტკიცებს მისი კომისიების დებულებებს და მათ თავმჯდომარეებს.

- 6.12. სამეთვალყურეო საბჭოს კომისიას ევალება მუდმივი მეთვალყურეობა გაუწიოს მისი კურირების სფეროში არსებულ საკითხებს, ჩაატაროს კონსულტაციები ცენტრალური დეპოზიტარის გენერალურ დირექტორთან/დირექტორებთან და დროულად წარუდგინოს სამეთვალყურეო საბჭოს შესაბამის საკითხებზე მისაღები გადაწყვეტილებების პროექტები.
- 6.13. სამეთვალყურეო საბჭოს კომისიას არა აქვს უფლება სამეთვალყურეო საბჭოს სახელით მიიღოს რაიმე გადაწყვეტილება ან მისცეს რაიმე დავალება ცენტრალური დეპოზიტარის გენერალურ დირექტორს/დირექტორებს.
- 6.14. სამეთვალყურეო საბჭოს წევრს შეუძლია იყოს საბჭოს შემადგენლობიდან შექმნილი რამოდენიმე კომისიის წევრი ერთდროულად.
- 6.15. სამეთვალყურეო საბჭოს არ შეიძლება გადაეცეს გენერალური დირექტორის/დირექტორების ფუნქციები.

VII. დირექტორები

- 7.1. ცენტრალური დეპოზიტარის ხელმძღვანელობა ევალებათ მის გენერალურ დირექტორს და დირექტორებს.
- 7.2. ცენტრალური დეპოზიტარის გენერალური დირექტორის ფუნქციებში შედის:
 - 7.2.1. ცენტრალური დეპოზიტარის დირექციის შტატის ჩამოყალიბება და მის მუშაკთა თანამდებობრივი კომპეტენციის განსაზღვრა;
 - 7.2.2. ცენტრალური დეპოზიტარის საქმიანობის ორგანიზება და ოპერატიული მართვა;
 - 7.2.3. ცენტრალური დეპოზიტარის სახელით მისი კომპეტენციის ფარგლებში გადაწყვეტილებების მიღება, მოლაპარაკებების წარმოება, ხელშეკრულებებისა და სხვა დოკუმენტების ხელმოწერა მინდობილობის გარეშე;
 - 7.2.4. ცენტრალური დეპოზიტარის მონაწილეთათვის ანგარიშების დროებით შეჩერება, სხვა სანქციების დაკისრება ცენტრალური დეპოზიტარის წესების შესაბამისად;
 - 7.2.5. ცენტრალური დეპოზიტარის აქციონერთა კრებაზე და სამეთვალყურეო საბჭოზე სამეურნეო საქმიანობის შესახებ ანგარიშის ჩაბარება;
 - 7.2.6. ცენტრალური დეპოზიტარის აქციონერთა საერთო კრების მოწვევა.
- 7.3. დირექციის სხვა თანამშრომელთა უფლება-მოვალეობებს განსაზღვრავს გენერალური დირექტორი.
- 7.4. ფინანსური დირექტორის ფუნქციებში შედის:
 - 7.4.1. კომანიის ფინანსური სტრატეგიის დასახვა;

- 7.4.2. კომპანიის ზოგადი სააღრიცხვო პოლიტიკისა და მიმართულების განსაზღვრა;
 - 7.4.3. კომპანიის წლიური ბიუჯეტის შემუშავება და შესრულების კონტროლი;
 - 7.4.4. კომპანიის ფინანსური მდგომარეობის და პროცესების მუდმივი ანალიზი და კონტროლი;
 - 7.4.5. ფინანსური რისკების შეფასება და მართვა;
 - 7.4.5. საინვესტიციო გადაწყვეტილებების დასაბუთება და შეფასება;
 - 7.4.6. დაქვემდებარებაში მყოფ თანამშრომელთა კოორდინირებული მუშაობის უზრუნველყოფა;
 - 7.4.7. სხვა ფინანსური და დაკავშირებული ბიზნეს-საქმიანობების შესრულება.
- 7.5. გენერალური დირექტორი და დირექტორები ცენტრალური დეპოზიტარის საქმეებს უნდა უძღვებოდნენ კეთილსინდისიერად. კერძოდ, ზრუნავდნენ ისე, როგორც ზრუნავს ანალოგიურ თანამდებობაზე და ანალოგიურ პირობებში მყოფი ჩვეულებრივი საღად მოაზროვნე პირი და მოქმედებდნენ იმ რწმენით, რომ მათი ეს მოქმედება ყველაზე ხელსაყრელია ცენტრალური დეპოზიტარისთვის. ამ მოვალეობის შეუსრულებლობისთვის წარმოშობილი ზიანისათვის ისინი პასუხს აგებს ცენტრალური დეპოზიტარის წინაშე.
- 7.6. გენერალური დირექტორი და დირექტორები კომპანიას წარმოადგენენ ცალ-ცალკე.

VIII. ცენტრალური დეპოზიტარის წევრები

- 8.1. ცენტრალური დეპოზიტარის წევრები შეიძლება გახდნენ მხოლოდ კანონმდებლობით განსაზღვრული პირები, რომლებიც აკმაყოფილებენ ცენტრალური დეპოზიტარის მოთხოვნებს, აღიარებენ მის წესდებას, წესებს, მმართველი ორგანოების გადაწყვეტილებებს და გაფორმებული აქეთ მასთან წევრობის შესახებ ხელშეკრულება;
- 8.2. ცენტრალური დეპოზიტარის წევრთა საერთო კრება ტარდება წელიწადში ერთხელ;
- 8.3. ცენტრალური დეპოზიტარის წევრთა საერთო კრება უფლებამოსილია:
- 8.3.1. აირჩიოს ცენტრალური დეპოზიტარის წევრთა კომიტეტი;
 - 8.3.2. შეიმუშაოს რეკომენდაციები ცენტრალური დეპოზიტარის წესებში ცვლილებების და დამატებების შეტანაზე, რომელიც გადაეცემა წევრთა კომიტეტს.
- 8.4. ცენტრალური დეპოზიტარის დირექტორი ან წევრთა კომიტეტი ცენტრალური დეპოზიტარის დირექტორის მეშვეობით წევრთა საერთო კრების მოწვევის შესახებ 2 კვირით ადრე წერილობით აცნობებს მის ყველა წევრს.
- 8.5. ცენტრალური დეპოზიტარის წევრთა საერთო კრება უფლებამოსილია, თუ მას ესწრება წევრთა 50%-ზე მეტი. კრებაზე გადაწყვეტილებები მიიღება დამსწრე წევრთა ხმათა უბრალო უმრავლესობით.

8.6. ცენტრალური დეპოზიტარის წევრთა საერთო კრების ჩატარების რეგლამენტი, მასზე საკითხების გატანის და გადაწყვეტის წესი რეგულირდება ცენტრალური დეპოზიტარის წევრთა საერთო კრების დებულებით, რომელსაც შეიმუშავენს წევრთა კომიტეტი და ამტკიცებს წევრთა საერთო კრება.

IX. წევრთა კომიტეტი

- 9.1. ცენტრალური დეპოზიტარის წევრთა კომიტეტი არის ორგანო, რომელიც შეიმუშავენს და აწვდის რეკომანდაციებს ცენტრალური დეპოზიტარის სამეთვალყურეო საბჭოს.
- 9.2. ცენტრალური დეპოზიტარის წევრთა კომიტეტი შედგება ხუთი წევრისაგან.
- 9.3. წევრთა კომიტეტი აირჩევა ცენტრალური დეპოზიტარის წევრთა საერთო კრების მიერ.
- 9.4. წევრთა კომიტეტი შეიმუშავენს თავის დებულებას ცენტრალური დეპოზიტარის სამეთვალყურეო საბჭოსთან შეთანხმებით.

X. ცენტრალურ დეპოზიტარში წარმოშობილი ქონებრივი დაგების განხილვა

- 10.1. ცენტრალურ დეპოზიტარში წარმოშობილი ქონებრივი დაგები განიხილება სს "საქართველოს ფასიანი ქაღალდების ცენტრალური დეპოზიტარის" დაგების განხილვის წესების შესაბამისად.

XI. შემოსავლები

- 11.1. ცენტრალური დეპოზიტარის შემოსავლები იქმნება:
 - 11.1.1. აქციონერთა საერთო კრების მიერ დადგენილი საწევრო შენატანებისგან, ასევე საკომისიო და სხვა გადასახდელებისგან, რომელთა ოდენობასაც განსაზღვრავს სამეთვალყურეო საბჭო;
 - 11.1.2. საქართველოს კანონმდებლობით ნებადართული სხვა წყაროებიდან.
- 11.2. სახელმწიფო ბიუჯეტში გადასახადებისა და სხვა ვალდებულებების გასტუმრების შემდეგ დარჩენილი მოგება გადადის ცენტრალური დეპოზიტარის სრულ განკარგულებაში და არ ექვემდებარება დივიდენდების სახით განაწილებას.

XII. რეორგანიზაცია და ლიკვიდაცია

- 12.1. ცენტრალური დეპოზიტარის რეორგანიზაციის და ლიკვიდაციის შესახებ გადაწყვეტილებების მისაღებად საჭიროა ხმის უფლების მქონე დამსწრე ან წარმოდგენილ აქციათა 50 (ორმოცდაათ) პროცენტზე მეტის მფლობელების ხმა.

- 12.2. ცენტრალური დეპოზიტარის საქმიანობის შეჩერების ან შეწყვეტის შესახებ გადაწყვეტილების მიღების შესახებ, ცენტრალურმა დეპოზიტარმა დაუყოვნებლივ წერილობით უნდა აცნობოს კომისიას.
- 12.3. ცენტრალური დეპოზიტარის ლიცენზიის ჩამორთმევის შემთხვევაში დგება საკითხი მისი რეორგანიზაციის ან ლიკვიდაციის შესახებ.
- 12.4. ცენტრალური დეპოზიტარის რეორგანიზაციასა და ლიკვიდაციასთან დაკავშირებული სხვა საკითხები რეგულირდება საქართველოს კანონმდებლობის შესაბამისად.

სს “საქართველოს ფასიანი ქაღალდების ცენტრალური დეპოზიტარის“
სამეთვალყურეო საბჭოს თავმჯდომარე:

გიორგი ფარესიშვილი (პ/ნ 01024002732) _____

სს “საქართველოს ფასიანი ქაღალდების ცენტრალური დეპოზიტარის“
გენერალური დირექტორი:

გაიოზ სანაძე (ს/ნ 01009012199) _____